

საქართველოს ნავთობისა და გაზის კორპორაცია



სატენდერო დოკუმენტაცია

მაღალი გამავლობის მსუბუქი ავტომანქანები

CPV 34113100

სარჩევი

1. ინფორმაცია ტენდერში მონაწილეთათვის
2. ტენდერის პირობები
3. პრეტენდენტის მიერ სისტემაში ასატვირთი ინფორმაცია
4. სახელმწიფო შესყიდვების შესახებ ხელშეკრულების პროექტი
5. დანართი №1 - სატენდერო წინადადება
6. დანართი №2 - ტექნიკური პირობები
7. დანართი №3 - რეკვიზიტების ფორმა

1. ინფორმაცია ელექტრონულ ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“ (შემდგომში - „წესი“), დამტკიცებული სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით, იხ. საიტი <http://procurement.gov.ge>

- ელექტრონული ტენდერი ტარდება თანახმად კანონის მე-3 მუხლის პირველი პუნქტის „ქ“ ქვეპუნქტისა.
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 160 კალენდარული დღით, ტენდერისათვის სტატუსის „წინადადების მიღება დაწყებულია“ მინიჭების ეტაპიდან;
- პრეტენდენტს არა აქვს უფლება წარმოადგინოს ალტერნატიული წინადადება.

1.1. შესყიდვის ობიექტი:

სატენდერო დოკუმენტაციის დანართი №1 სატენდერო წინადადებითა (ფასების ცხრილი) და დანართი №2 ტექნიკური პირობებით გათვალისწინებული საქონლის შესყიდვა (შემდგომში - საქონელი).

2. ტენდერის პირობები

2.1. საკვალიფიკაციო მონაცემების დამადასტურებელი დოკუმენტები:

შერჩეულმა პრეტენდენტმა შემსყიდველს უნდა წარუდგინოს შემდეგი დოკუმენტაცია:

იურიდიული პირებისათვის:

- ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;

ფიზიკური პირებისათვის:

- ცნობა სასამართლოდან, რომ მას მთლიანად ან ნაწილობრივ არ აქვს შეზღუდული ქმედუნარიანობა;

შენიშვნა:

- არარეზიდენტმა ფიზიკურმა და იურიდიულმა პირებმა უნდა წარმოადგინონ თავიანთი ქვეყნის შესაბამისად უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.
- საკვალიფიკაციო მოთხოვნები შემდგომ დაზუსტებას არ ექვემდებარება;

2.2. მიწოდების ვადები და პირობები:

- მიწოდების ვადა: ხელშეკრულების გაფორმებიდან არა უმეტეს 40 კალენდარული დღის ვადაში.
- მიწოდების ადგილი: ქ. თბილისი, შემსყიდველის მიერ მითითებული ტერიტორია.

2.3. ანგარიშსწორების პირობები:

ანგარიშსწორება “მიმწოდებელთან” წარმოებს ლარში, უნაღდო ანგარიშსწორების ფორმით, ფაქტიურად მიწოდებული საქონლის შესაბამისად, მიღება-ჩაბარების აქტის გაფორმებისა და შესაბამისი ფინანსური დოკუმენტაციის წარმოდგენიდან 10 სამუშაო დღის ვადაში.

2.4. შესყიდვის ობიექტის სავარაუდო ღირებულება:

ხელშეკრულების სავარაუდო ღირებულებაა 289411,00 ლარი (დღგ-ს გარეშე) და მოიცავს მიმწოდებლის ყველა ხარჯს დაკავშირებულს საქონლის განბაჟებასთან, მიწოდებასთან, მათ შორის, კანონმდებლობით გათვალისწინებულ ყველა გადასახადს, მოსაკრებელსა და სახდელს, გარდა საქონლის შემსყიდველის სახელზე გადაფორმების ხარჯისა.

2.5. საკონტაქტო ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, კახეთის გზატკეცილი №21, მე-2 სართული, ოთახი 219, საკონტაქტო პირები: ტელ. +995 (32) 224-40-40, სატენდერო დოკუმენტაციასთან დაკავშირებულ საკითხებზე - ჯგბა გურასპიშვილი (შიდა-220).

2.6 ხელშეკრულების უზრუნველყოფის საბანკო გარანტია:

ხელშეკრულების განხორციელების უზრუნველყოფის მიზნით გამოყენებული იქნება საბანკო დაწესებულების მიერ გაცემული უპირობო და გამოუთხოვადი საბანკო გარანტია, რომელიც ხელშეკრულების ღირებულების 5%-ს უნდა შეადგენდეს. გარანტიის მოქმედების ვადა უნდა აღემატებოდეს ხელშეკრულებით განსაზღვრული საქონლის მიწოდების დასრულების ვადას მინიმუმ 1 თვით.

2.7. ნიმუშების წარმოდგენა - არ გამოიყენება.

3. პრეტენდენტის მიერ გამარტივებულ ელექტრონულ ტენდერში ასატვირთი ინფორმაცია

პრეტენდენტმა ელექტრონულ სისტემაში უნდა ატვირთოს:

- სატენდერო წინადადება (ფასების ცხრილი) - დანართი №1-ის მიხედვით;
- ტექნიკური პირობები - დანართი №2-ის მიხედვით;
- რეკვიზიტები - დანართი №3-ის მიხედვით;
- ინფორმაცია პრეტენდენტის სარგებლობაში (საკუთრება ან იჯარა) არსებული შესაბამისი სერვის ცენტრის შესახებ, სადაც საგარანტიო პერიოდის განმავლობაში მოხდება ავტომატური ტექ-მომსახურება (აღნიშნულ ინფორმაციასთან ერთად ატვირთულ უნდა იქნას შესაბამისი დამადასტურებელი დოკუმენტაცია).
- დამადასტურებელი დოკუმენტაცია შემოთავაზებული ბრენდის ოფიციალური იმპორტიორების/დილერების შესახებ.

***შენიშვნა:** პრეტენდენტის მიერ ატვირთული ყველა დოკუმენტი დამოწმებული უნდა იქნეს დირექტორის ხელმოწერით ან მის მიერ უფლებამოსილი პირის ხელმოწერით (უფლებამოსილების დამადასტურებელი დოკუმენტის ატვირთვით).*

4. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ქ. თბილისი

-----, 2013 წ.

ერთის მხრივ, სს „საქართველოს ნავთობისა და გაზის კორპორაცია“ (შემდგომში – „შემსყიდველი“), წარმოდგენილი დირექტორის ფინანსურ საკითხებში ირაკლი ჩხაიძის სახით, რომელიც მოქმედებს სს „საქართველოს ნავთობისა და გაზის კორპორაციის“ გენერალური დირექტორის – დავით თვალაბიშვილის მიერ 2013 წლის 5 თებერვალს გაცემული და ნოტარიუს ნაწი სიდამონიძის მიერ დამოწმებული მინდობილობის საფუძველზე (სანოტარო მოქმედების რეგისტრაციის №130093672) და

მეორეს მხრივ, შპს ----- (შემდგომში „მიმწოდებელი“) წარმოდგენილი დირექტორის ----- სახით,

იმ გარემოებიდან გამომდინარე, რომ 2013 წლის ----- შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის „რ“ ქვეპუნქტის შესაბამისად გამოცხადებულ ტენდერში SPA ----- გამარჯვებულად გამოცხადდა შპს ----- ფასით ----- ლარი დღგ-ს გარეშე, ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია დანართ N1-ში და N2 ჩამოთვლილი საქონლის (შემდეგში - „საქონელი“) მიწოდება.

1.2. „საქონლის“ დასახელება, მახასიათებლები, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართი N1-ში და N2-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. „შემსყიდველი“ უფლებამოსილია მოსთხოვოს „მიმწოდებელს“ ხელშეკრულებით ნაკისრი ვალდებულებების დროულად და სრულად შესრულება.

2.2. „შემსყიდველი“ ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.3. „მიმწოდებელი“ უფლებამოსილია, მოსთხოვოს „შემსყიდველს“ ხელშეკრულებით ნაკისრი ვალდებულებების დროულად და სრულად შესრულება.

2.4. „მიმწოდებელი“ ვალდებულია, მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია;

3. „საქონლის“ მიწოდების პირობები

3.1. „მიმწოდებელი“ ვალდებულია საქონლის მიწოდება განახორციელოს ხელშეკრულების გაფორმებიდან არა უმეტეს 40 კალენდარული დღის ვადაში, შემდეგ მისამართზე: ქ. თბილისი, შემსყიდველის მიერ მითითებული ტერიტორია. „მიმწოდებელი“ მიწოდებას უზრუნველყოფს საკუთარი ხარჯებით.

3.2 შემსყიდველი უფლებამოსილია უარი განაცხადოს უხარისხო საქონლის მიღებაზე.

4. „საქონლის“ ხარისხი

4.1. „მიმწოდებელი“ იღებს ვალდებულებას, რომ საქონლის ხარისხი შეესაბამება ხელშეკრულებით შეთანხმებულ ხარისხს, ტექნიკურ მაჩვენებლებს და დადგენილ სტანდარტებს.

5. ხელშეკრულების ფასი და ანგარიშსწორება

5.1 საქონლის მთლიანი ღირებულება შეადგენს ----- ლარს დღგ-ს გარეშე და მოიცავს მიმწოდებლის ყველა ხარჯს დაკავშირებულს საქონლის განბაჟებასთან, მიწოდებასთან, მათ შორის, კანონმდებლობით გათვალისწინებულ ყველა გადასახადს, მოსაკრებელსა და სახდელს, გარდა საქონლის შემსყიდველის სახელზე გადაფორმების ხარჯისა.

5.2 ანგარიშსწორება „მიმწოდებელთან“ წარმოებს ლარში, უნაღდო ანგარიშსწორების ფორმით, ფაქტიურად მიწოდებული საქონლის შესაბამისად, მიღება-ჩაბარების აქტის გაფორმებისა და შესაბამისი ფინანსური დოკუმენტაციის წარმოდგენიდან 10 სამუშაო დღის ვადაში.

6. გარანტია, პასუხისმგებლობა და ხელშეკრულების პირობების შეუსრულებლობა

6.1. „მიმწოდებელი“ იძლევა გარანტიას, რომ მის მიერ მიწოდებულ საქონელს არ გააჩნია ან საგარანტიო პერიოდში არ აღმოაჩნდება ნაკლი.

6.1.1. ნაკლის არსებობის შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას შემსყიდველის მიერ ნაკლის გამოვლენის თაობაზე მისთვის (მიმწოდებლისათვის) გაგზავნილი წერილობითი შეტყობინების მიღებიდან არაუგვიანეს 2 (ორი) სამუშაო დღისა. ნაკლის აღმოფხვრა უნდა მოხდეს შემსყიდველის მოთხოვნის შედსაბამისად საქონლის ახლით შეცვლით.

6.1.2 იმ შემთხვევაში, თუ „მიმწოდებელი“ ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს „მიმწოდებელს“ ხელშეკრულების ღირებულების 5% პირგასამტეხლოს გადახდა, რაც „მიმწოდებელმა“ „შემსყიდველის“ მიერ მისთვის (მიმწოდებლისათვის) პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს ორი კალენდარული დღისა უნდა გადაიხადოს.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლული „საქონლის“ მიწოდების შედეგად „შემსყიდველისთვის“, ან მესამე მხარისათვის მიყენებული ნებისმიერი ზიანის ანაზღაურება ეკისრება „მიმწოდებელს“.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. „საქონლის“ მიწოდების დაყოვნების შემთხვევაში „მიმწოდებელი“ ვალდებულია გადაუხადოს „შემსყიდველს“ პირგასამტეხლო ყოველ ვადაგადაცილებულ კალენდარულ დღეზე „საქონლის“ საერთო ღირებულების 0.1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.6. „შემსყიდველის“ მიერ ანგარიშსწორების ვადის გადაცილების შემთხვევაში „მიმწოდებელს“ უფლება აქვს დააკისროს „შემსყიდველს“ პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0.1%-ის ოდენობით.

6.7. „მიმწოდებლის“ მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

7. ხელშეკრულების შესრულების უზრუნველყოფის საბანკო გარანტია

7.1. წინამდებარე ხელშეკრულების შესრულების უზრუნველყოფის მიზნით, მიმწოდებელმა შემსყიდველს წარუდგინა უპირობო და გამოუთხოვადი საბანკო გარანტია წინამდებარე ხელშეკრულების ღირებულების 5%-ის ოდენობით.

7.2. მიმწოდებლის მიერ წარმოდგენილი საბანკო გარანტიის მოქმედების ვადა აღემატება ხელშეკრულებით განსაზღვრული საქონლის მიწოდების დასრულების ვადას 1 თვით.

7.3. შემსყიდველი უფლებამოსილია გამოიყენოს 7.1 პუნქტში მისთვის გადაცემული ხელშეკრულების შესრულების უზრუნველყოფის საბანკო გარანტია იმ შემთხვევაში, თუ მიმწოდებელი დაარღვევს წინამდებარე ხელშეკრულების პირობებს ან ვერ უზრუნველყოფს წინამდებარე ხელშეკრულებით გათვალისწინებული ვალდებულებების ჯეროვან შესრულებას.

7.4. ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს მიმწოდებელს ხელშეკრულების შეუსრულებლობით შემსყიდველისათვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.

7.5. იმ შემთხვევაში თუ მიმწოდებლის მიერ ვერ ესწრება სამუშაოს სრულად შესრულება ხელშეკრულებით გათვალისწინებულ ვადებში, მიმწოდებელი ვალდებულია ხელშეკრულების ამოწურვამდე 5 კალენდარული დღით ადრე ხელშეკრულების შესრულების უზრუნველყოფის საბანკო გარანტიას გაუგრძელოს მოქმედების ვადა იმგვარად, რომ დაცული იყოს 7.2. პუნქტში მითითებული დროის პერიოდი.

7.6. ხელშეკრულების შესრულების უზრუნველყოფის საბანკო გარანტიაში ბენეფიციარად მითითებულ უნდა იქნას სს „საქართველოს ნავთობისა და გაზის კორპორაცია“ (შემსყიდველი).

8. მხარეთა პასუხისმგებლობისგან გათავისუფლება

8.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

8.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ

თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

8.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

8.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

9. ხელშეკრულების ინსპექტირების პირობები

9.1. “შემსყიდველს” ან მის მიერ უფლებამოსილ პირს უფლება აქვს განახორციელონ “საქონლის” კონტროლი და/ან გამოცადონ საქონელი.

9.2. “მიმწოდებლის” მიერ ხელშეკრულებისა და მისი დანართების შესრულებაზე კონტროლს ახორციელებს “შემსყიდველის” მიერ შექმნილი ინსპექტირების ჯგუფი.

9.3. ინსპექტირების ჯგუფის ფუნქციებია:

9.3.1. საქონლის მოცულობის, ხარისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

9.3.2. შეამოწმოს საქონელი მის მიღებამდე და უხარისხობის შემთხვევაში უარი თქვას მის მიღებაზე.

9.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

9.4 ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება “მიმწოდებელს”.

10. ხელშეკრულებაში ცვლილებების შეტანა

10.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

10.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.

10.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

10.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

11. ხელშეკრულების ძალაში შესვლა და მოქმედების ვადა

11.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2013 წლის ჩათვლით.

11.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

12. ხელშეკრულების შეწყვეტა

12.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

12.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

12.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

13. დავების გადაწყვეტა, მარეგულირებელი სამართალი

13.1 მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

13.2 შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

13.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. დასკვნითი დებულებები

14.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

14.2 ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

14.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

14.4 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

15. მხარეთა რეკვიზიტები და ხელმოწერები

5. დანართი №1 სატენდერო წინადადება (ფასების ცხრილი)

#	CPV	საქონლის დასახელება	საქონლის მწარმოებელი და მოდელი	საქონლის სრული ტექნიკური მახასიათებლები	რაოდენობა (ცალი)	ერთეულის ფასი (ლარი, დღგ-ს გარეშე)	საერთო ღირებულება (ლარი, დღგ-ს გარეშე)
1	2	3	4	5	6	7	8
1	34113100	მაღალი გამავლობის მსუბუქი ავტომანქანა			1		
2	34113100	მაღალი გამავლობის მსუბუქი ავტომანქანა			1		
3	34113100	მაღალი გამავლობის მსუბუქი ავტომანქანა			1		

სატენდერო წინადადების ფასი: _____ ლარი (დღგ-ს გერეშე)

მიწოდების პირობები: ხელშეკრულების გაფორმებიდან არა უმეტეს 40 კალენდარული დღის ვადაში.

მიწოდების ადგილი: ქ.თბილისი, შემსყიდველის მიერ მითითებული ტერიტორია.

ხელმოწერით ვადასტურებ, რომ მიწოდებას განვახორციელებ დანართი №1 სატენდერო წინადადების (ფასების ცხრილი) და დანართი №2 ტექნიკური პირობების შესაბამისად.

ხელმოწერა, ბეჭედი _____ თარიღი _____

6. დანართი №2 ტექნიკური პირობები

#	CPV	დასახელება	მახასიათებლები	რაოდენობა (ცალი)
1	2	3	4	5
1	34113100	მაღალი გამავლობის მსუბუქი ავტომანქანა	არანაკლებ 2013 წლის მოდელი; ძრავი არანაკლებ 4.5 ტ/დიზელი; სიმძლავრე არაკლებ 235ც/მ; არანაკლებ 8 ცილინდრი; არანაკლებ 6 სიჩქარიანი ავტომატური გადაცემათა კოლოფი, 4X4; EBD, ABS, BA; უკანა სვლის მონიტორი, პარკირების სენსორები, იმობილაიზერი, სიგნალიზაცია, ტყავის სალონი შავი, ალუმინის დისკები.	1
2	34113100	მაღალი გამავლობის მსუბუქი ავტომობილი	არანაკლებ 2013 წლის მოდელი; ძრავი არანაკლებ 4.0 ბენზინი; სიმძლავრე არანაკლებ 282 ც/მ; არანაკლებ EURO 5 ან ექვივალენტი სტანდარტის; არანაკლებ 5 სიჩქარიანი ავტომატური გადაცემათა კოლოფი, 4X4; საწვავის ავზის მოცულობა არანაკლებ 85 ლიტრი; უკანა სვლის მონიტორი, წინა და უკანა პარკირების სენსორი, წინა უკანა და გვერდითი კამერები, იმობილაიზერი; ტყავის სავარძლები; ალუმინის დისკები.	1
3	34113100	მაღალი გამავლობის მსუბუქი ავტომობილი	არანაკლებ 2013 წლის მოდელი; ძრავი არანაკლებ 4.0 ბენზინი; სიმძლავრე არანაკლებ 282 ც/მ; არანაკლებ EURO 3-1 ან ექვივალენტი სტანდარტის; არანაკლებ 5 სიჩქარიანი ავტომატური გადაცემათა კოლოფი, 4X4; საწვავის ავზი არანაკლებ 85 ლიტრი; უკანა სვლის მონიტორი, წინა და უკანა პარკირების სენსორი, უკანა ხედვის კამერა, იმობილაიზერი; ნაჭრის სავარძლები; ალუმინის დისკები.	1

- მისაწოდებელი საქონელი უნდა იყოს ახალი და აკმაყოფილებდეს ტექნიკური პირობებით განსაზღვრულ მოთხოვნებს;
- ფერი - შემსყიდველის მოთხოვნის შესაბამისად;
- საგარანტიო პერიოდია მინიმუმ 3 წელი ან 100000კმ გარბენი;
- პრეტენდენტ ორგანიზაციას უნდა გააჩნდეს შესაბამისი მატერიალურ-ტექნიკური ბაზა (სერვის ცენტრი), ავტომობილების შემდგომი საგარანტიო/სერვისული მომსახურების უზრუნველსაყოფად;
- პრეტენდენტი უნდა იყოს შემოთავაზებული ბრენდის ოფიციალური იმპორტიორი/დილერი.

ვეთანხმები ტექნიკურ პირობებს

ხელმოწერა, ბეჭედი _____ თარიღი _____

7. დანართი №3 (რეკვიზიტების ფორმა)

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი ————— თარიღი —————